

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՀՅՈՒՍԻՍԱՅԻՆ ՄԱՔՍԱՏՈՒՆ-ՎԱՐՉՈՒԹՅՈՒՆ
Ո Ր Ո Շ ՈՒ Մ

վարչական գործի վարույթը կարճելու մասին

07 փետրվարի 2024թ.

ք.Գյումրի

Ես՝ Հայաստանի Հանրապետության պետական եկամուտների կոմիտեի Հյուսիսային մաքսատուն-վարչության պետ Հարություն Ազգալոյանս, քննելով քաղաքացի Էդգար Պողոսյանի (անձնագիր՝ AS0462819, 21AB82381, ծնված՝ 05.12.1985թ., հասցե՝ Վրաստանի Հանրապետություն, Նինոցմինդա, գյուղ Զիգրաշեն) կողմից մաքսային կանոնների խախտման վերաբերյալ գործը.

Պ Ա Ր Զ Ե Ց Ի

Էդգար Պողոսյանը (Edgar Pogosyan) 19.01.2023 թվականին թիվ 05100022/190123/0000770846/00 մաքսային մուտքի օրդերով 365 օր ժամկետով՝ մինչև 19.01.2024 թվականը ՀՀ տարածք է ներմուծել BMW 528 XI մակնիշի, VO400VA հաշվառման համարանիշի, WBANV13528CZ58018 նույնացման համարի, 2007 թվականի արտադրության ավտոմեքենա, սակայն խախտել հետագա արտահանման պարտավորությունը:

Փաստի առթիվ ՀՀ ՊԵԿ Հյուսիսային մաքսատուն-վարչության Բավրայի մաքսային կետ-բաժնի 1-ին բաժանմունքի մաքսային տեսուչ ժք Գ.Նիկողոսյանի կողմից 02.02.2024 թվականին Էդգար Պողոսյանի նկատմամբ կազմվել է մաքսային կանոնների խախտման վերաբերյալ արձանագրություն՝ «Մաքսային կարգավորման մասին» ՀՀ օրենքի 309-րդ հոդվածով նախատեսված մաքսային կանոնների խախտման հատկանիշներով:

«Մաքսային կարգավորման մասին» ՀՀ օրենքի 309-րդ հոդվածի 1-ին մասի համաձայն՝ ֆիզիկական անձանց կողմից հետագա արտահանման պարտավորությամբ Հայաստանի Հանրապետություն ներմուծված անձնական օգտագործման տրանսպորտային միջոցները սահմանված ժամկետում Հայաստանի Հանրապետությունից չարտահանելը, եթե հետագա արտահանման պարտավորությունը խախտվել է ավելի քան տասն օրով՝ առաջացնում է տուգանք՝ ֆիզիկական անձանց կողմից այդ տրանսպորտային միջոցներն ազատ շրջանառության համար բաց թողնելու նպատակով ներմուծելու համար նախատեսված մաքսային վճարների (բացառությամբ մաքսային մարմինների կողմից մաքսային գործառնությունների իրականացման համար գանձվող պետական տուրքի) մեծության տասը տոկոսի չափով, բայց ոչ պակաս, քան երեսուն հազար դրամի չափով:

Մաքսային կանոնների խախտման վերաբերյալ վարչական վարույթի շրջանակներում հարցում է կատարվել ՀՀ ՊԵԿ Ներքին անվտանգության վարչություն՝ ավտոմեքենայի սահմանափակումների վերաբերյալ տեղեկություն ստանալու նպատակով: ՀՀ ՊԵԿ Ներքին անվտանգության վարչության 06.02.2024 թվականի թիվ Ն/2-4/38424-2024 գրությամբ

տրամադրված տեղեկությունների համաձայն Հոգար Պողոսյանը 19.01.2023 թվականին Բավրայի սահմանային անցակետով ՀՀ է ներմուծել BMW մակնիշի, VO400VA հաշվառման համարանիշի ավտոմեքենա, որը 19.01.2023 թվականին Բավրայի մաքսային կետով արտահանել է ՀՀ-ից:

Այսպիսով, վարչական վարույթի նյութերով հիմնավորվում է, որ Հոգար Պողոսյանի գործողություններում բացակայում է իրավախախտման դեպքը:

Հիմք ընդունելով ՀՀ Վարչական իրավախախտումների վերաբերյալ օրենսգրքի 32-րդ և 234-րդ հոդվածները, «Մաքսային կարգավորման մասին» ՀՀ օրենքի 309-րդ, 322-րդ և 334-րդ հոդվածները.

Ո Ր Ո Շ Ե Ց Ի

1. Հոգար Պողոսյանի նկատմամբ վարչական գործի վարույթը կարճել իրավախախտման դեպքի բացակայության պատճառաբանությամբ:
2. Որոշման մասին հայտնել Հոգար Պողոսյանին:

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ՀՅՈՒՍԻՍԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ
ՊԵՏ' ՀԱՐՈՒԹՅՈՒՆ ԱԶԳԱԼԴՅԱՆ

